




ԾԱՅՐԱԳՈՒՅՆ ՎԱՐԴԱՊԵՏԱԿԱՆ ԻԾԽԱՆՈՒԹՅԱՆ ՏՎՉՈՒԹՅՈՒՆ

Սույն թվականի հոկտեմբերի 3-ին հոգևոր ճեմարանի հանդիսությունների դահլիճում, Վեհափառ Հայրապետի բարձր նախագահությամբ, տեղի ունեցավ Մայր Աթոռի միաբան, Ադրբեջանի հայոց թեմի առաջնորդական փոխանորդ Ս. Անանիա վրդ. Արաբաջյանի ծայրագույն վարդապետական թեզի պաշտպանությունը:

Սույն պաշտպանությանը ներկա էին Կ. Պոլսի հայոց Պատրիարք Ամենապատիվ Ս. Ընորք արքեպ. Գալուստյանը, Հայ Եկեղեցու ներքին և արտասահմանյան թեմերի առաջնորդներ, Մայր Աթոռի միաբանությունը, հոգևոր ճեմարանի դասախոսական կազմն ու ուսանողությունը, մայրավանքի պաշտոնեությունը և այլ հյուրեր:

Մայր Աթոռի դիվանապետ Ս. Ներսես եպս. Պոպապայանը իր բացման խոսքում նշեց, որ ծայրագույն վարդապետական աստիճան ստանալու համար Ս. Անանիա վրդ. Արաբաջյանը գրել և Վեհափառ Հայրապետին էր ներկայացրել Եղիշե պատմիչի «Հայր մեր»-ի մեկնության» ուսումնասիրությունը:

Քննիչ հանձնաժողովը (անդամներ՝ Մայր Աթոռի դիվանապետ Ս. Ներսես եպս. Պոպապայան, «Էջմիածին» ամսագրի խմբագրի պաշտոնակատար, հոգևոր ճեմարանի վաստակավոր ուսուցիչ Պարզև Շահբապյան և բանասիրական գիտությունների թեկնածու, դոցենտ Պետրոս Բեդիրյան), ծանոթանալով Ս. Անանիա վարդապետի աշխատությանը, գրավոր կերպով իր կարծիքը ներկայացրել էր Վեհափառ Հայրապետին:

Այնուհետև Ս. Ներսես արքայանը հրավիրեց հոգեշնորհ Ս. Անանիա վարդապետին

հանդես գալու իր թեզի բանավոր պաշտպանությամբ: Ս. Անանիա վարդապետը ներկաներին ամփոփ ձևով ներկայացրեց իր աշխատության նյութը և վերջում պատասխանեց հանձնաժողովի կողմից իրեն տրված հարցերին:

Բանավոր պաշտպանությունից հետո, քընիչ հանձնաժողովը, հետ խորհրդակցության, ամփոփելով բանավոր պաշտպանության արդյունքները, գրավոր ներկայացված թեզի ու նրա բանավոր պաշտպանության համար որպես ընդհանուր գնահատական նշանակեց «գերազանց»:

Վերջում Ս. Ներսես արքայանը հրավիրեց Վեհափառ Հայրապետին ասելու իր օրհնության խոսքը: Հայոց Հայրապետը, իր հերթին, առաջարկեց Ամենապատիվ Ս. Ընորք արքեպ. Գալուստյանին տալու իր օրհնությունը: Սրբական պատրիարքը, այս հանդիսավոր առիթով, ողջունեց ներկաներին և իր շնորհակալական խոսքն ուղղելով Վեհափառ Հայրապետին՝ ասաց. «Ես նախ իմ շնորհակալությունը կհայտնեմ Վեհափառ Հայրապետին, ապա ամբողջ սրտով գոհունակություն կհայտնեմ այս գեղեցիկ պահի համար: Ուրախ ենք, որ Հայ Եկեղեցվո համար վարդապետական և ծայրագույն վարդապետական աստիճանի տվչությունը այլևս պատահականություն չէ, և հաճելի է հաստատել, որ մեր երիտասարդ վարդապետները իրենց թեզերու նյութերը կընտրեն հայ մատենագիրներու աստվածաբանական և դավանաբանական գործերեն: Ցանկալի պիտի ըլլար, որ մեր միաբանակից մյուս եղբայրները նման

առիթներով դիմեն աստվածաբանական նյութերու ուսումնասիրության»:

Վերջում Ամենապատիվ սրբազան հայրը ըստ արժանվույն գնահատեց Ս. Անանիա վարդապետի թեպի պաշտպանությունը, նրան ցանկացավ նորանոր հաջողություններ Հայ եկեղեցու ծառայության մեջ:

Հոկտեմբերի 8-ին, շաբաթ օրը, Օշականի Սուրբ Մեսրոպ Մաշտոց եկեղեցում, Մայր Աթոռի դիվանապետ Ս. Ներսես եպս. Պոպապյանի ձեռամբ, ծայրագույն վարդապետա-

կան աստիճան շնորհվեց Ս. Անանիա վրդ. Արաբաջանին:

«Էջմիածին» ամսագրի խմբագրությունը շնորհավորում է Ս. Անանիա ծ. վրդ. Արաբաջանին այս ուրախ առիթով և բարեհաղթում նրան նորանոր հաջողություններ իր ապագա հոգևոր-եկեղեցական, թեմական-վարչական գործունեության մեջ:

